

EP juniorki: Poljska pobijedila BiH, Srbija bolja od Slovačke



Selekcija Poljske rezultatom 3-0 u setovima (25-11, 25-12, 25-10) savladala je domaćina Evropskog juniorskog prvenstva u odbojci Bosnu i Hercegovinu u drugom meču prvog kola grupe koja igra svoje mečeve u Zenici.

Poljska je uz Srbiju iz ove grupe jedan od favorita za osvajanje medalja. Njihove visoke igrачice na mreži su napravile razliku. BiH je pružila otpor koliko im je mogla.

U prvom setu nakon 4-3 za Poljsku počela se praviti rezultatska razlika. Kod 19-11 Poljakinje su vezale šest poena do 25-11.

Drugi set izabranice selektora Natmira Buljubašića dobro su otvorile i povele sa 4-3. Nakon dobrih servisa kapitenke Julie Orzol, Poljakinje prave preokret i dolaze do 7-4. Slično kao u prvom setu, nastavile su povećavati prednost. Na kraju je bilo 25-12.

I treći set na sličan način je završio. Nakon 2-2, Poljakinje nižu četiri poena i odvajaju se te rutinski privode kraju ovaj meč. Na kraju je bilo 25-10.

Izjave nakon meča:

Wieslaw Popik, selektor Poljske: Bitno je da smo startali sa pobjedom. Nakon pauze zbog pandemije Covid-19, bitno je bilo da smo pobijedili ali i kontrolisali meč od početka do kraja. Dug je put do medalje, ali borićemo se da je osvojimo.

Armin Bukvić, trener BiH: Prva utakmica za naše djevojke. Obzirom da selekcija Italije koja je osvojil prošlo juniorsko prvenstvo nije došla, možemo reći da je Poljska jedan od favorita za zlatnu medalju. Odigrali smo hrabro, odigrali solidno, neke stvari ćemo popraviti za buduće utakmice da se pokušamo prikazati u boljem svjetlu.

BOSNA I HERCEGOVINA: Vukoje, Čelar, Glibić, Garić, Marković, Albijanić, Ilić, Joldić, Halilović, Topalović, Buljubašić, Popić. Selektor: Natmir Buljubašić.

POLJSKA: Pierzchala, Druzkowska, Borowczak, Lazowska, Piasecka, Kostera, Dabrowska, Stefanik,

Rejment, Czyrnianska, Orzol, Hyzy. Selektor: Wieslaw Popik.

U drugom kolu koje je na programu u nedjelju, u 17,30 sati sastaju se Poljska i Slovačka, a u 20 sati Bjelorusija i Srbija. Slobodna je selekcija Bosne i Hercegovine.

U drugom meču današnjeg programa Srbija j pobijedila Slovačku sa 3-1 (25-19, 25-20, 22-25, 25:20). (Press EP)

60

SHARES

[_ Share on Facebook](#)

[_ Tweet](#)

[_ Follow us](#)

[_ Share](#)

[_ Share](#)

[_ Share](#)

[_ Share](#)

[_ Share](#)

Date: 22-08-2020